

Rakitić pješke po autocesti pobjegao od demonstranata na aerodromu El Prat



Protesti koji su se danas održavali u Kataloniji iznenadili su nogometaša Barcelone Ivana Rakitića koji je doživio neugodno iskustvo po povratku u Barcelonu iz Velsa.

Hrvatska i Vels su u okviru kvalifikacija za Euro remizirali u Cardiffu rezultatom 1:1, a nakon meča igrači su redovnim letovima otišli nazad u svoje klubove.

Rakitić je sletio na aerodrom El Prat, no tamo su ga dočekali demonstranti od kojih je odmah pobjegao.

Podsjetimo, demonstranti su se u velikom broju okupili na aerodromu i saobraćajnice koje vode ka tom dijelu Barcelone su bile zagušene.

Rakitić je odmah napustio aerodrom, a to je značilo hodanje po autoputu, što mu je ipak bila prihvatljivija opcija. Španski mediji javljaju i da je slična situacija zadesila njegovog saigrača Frenkieja de Jonga i trenera Ernesta Valverdea.

Podsjetimo, demonstranti su izašli na ulice nakon što je Vrhovni sud izrekao zatvorske kazne za devet bivših lidera zbog pobune i zloupotrebe javnih sredstava. (klix)

Date: 14-10-2019